



Broj: 09/2-3-16-4-881-6/16
Sarajevo, 30.09.2016.godine

Na osnovu člana 69. stav (1) tačka b) i stav (2) tačka a), kao i člana 70. stav 4. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: KJN-16-4-int-1994/16 od 26.09.2016. godine, u postupku javne nabavke izbora najpovoljnijeg dobavljača za nabavku servisiranja i održavanja motornih vozila za potrebe MVP BiH, **d o n o s i m:**

ODLUKU

o poništenju postupka javne nabavke

Poništava se postupak javne nabavke izbora najpovoljnijeg dobavljača za nabavku servisiranja i održavanja motornih vozila za potrebe Ministarstva vanjskih poslova BiH za LOT- 4 i LOT-5, iz razloga što niti jedna ponuda nije prihvatljiva a u skladu sa članom 69. stav (1) tačka b) i stav (2) tačka a) Zakona o javnim nabavkama.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Ova odluka stupa na snagu sa danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-2809-1/15 od 25.12.2015. godine, u kojoj je predviđeno da je procijenjena vrijednost javne nabavke bez PDV-a za sve LOT-ove do 100.000,00 KM.

Obavještenje o nabavci br: 253-1-2-36-3-8/16, objavljeno je na Portalu javnih nabavki dana 13.07.2016. godine, a sažetak obavještenja o nabavci objavljen je u Službenom glasniku BiH br: 53 od 22.07.2016. godine, na osnovu kojeg je proveden otvoreni postupak nabavke usluga za potrebe Ministarstva vanjskih poslova BiH.

Komisija je utvrdila da nakon isteka roka za dostavljanja ponuda, niti jedna ponuda nije pristigla za LOT-4 i LOT-5.

Imajući u vidu pomenuto, Komisija je dala preporuku o poništenju postupka javne nabavke za navedene LOT-ove a u skladu sa odredbama člana 69. stav (1) tačka b) i stav (2) tačka a) Zakona o javnim nabavkama, člana 5. stav (2) tačka f) Pravilnika o uspostavljanju i

radu komisije za javne nabavke, te članova 6. i 11. Poslovnika o radu Komisije za javne nabavke, te je stoga odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

DOSTAVITI:

1. Svim učesnicima u postupku javne nabavke;
2. Evidenciji a/a.

